



REPUBLIKA E KOSOVËS / REPUBLIKA KOSOVA

GJYKATA THEMELORE PRISHTINE - DEGA E GJYKATËS FUSHË KOSOVE

Numri i lëndës: 2023:053666

Datë: 25.04.2024

Numri i dokumentit: 05618101

P.nr.989/2023

NË EMËR TË POPULLIT

GJYKATA THEMELORE NE PRISHTIË – DEGA FUSHË KOSOVË - Departamenti i Përgjithshëm, Divizioni Penal, sipas Gjyqtares Laura Hoti Statovci, në lëndën penale të akuzuarve V. R. dhe Ç. B. nga F. K., të akuzuar për veprën penale Posedim i paautorizuar i narkotikëve, substancave psikotrope ose analoge nga neni 269 par 2 të KPRK-së, duke vendosur sipas aktakuzës së Prokurorisë Themelore në Prishtinë – Departamenti i Përgjithshëm PP.II.nr.1176/23 të datë 01.03.2023 në seancën e shqyrtimit fillestar të mbajtur me datë 26.03.2024, në praninë e Prokurorit të Shtetit Nazmi Krasniqi dhe të akuzuarit Ç. B. me datë 26.03.2024 mori dhe publikisht shpalli, ndërsa me datë 25.04.2024 përpiloi këtë:

A K T G J Y K I M

I akuzuari Ç. B., i biri i e Q. dhe nëna Z. e gjinisë Gj. i lindur me, në D.. KK S..., me vendbanim në F. K. Rr. "D....." kompleksi banesor "A..." A .. numër .., me numër personal, të dhëna këto të vërtetuara nga dokumenti i letërnjoftimit të lëshuar nga MPB, ka të kryer shkollën e mesme, i pa martuar, i gjendjes së dobët ekonomike, Shqiptar, Shtetas i Republikës së Kosovës

ËSHTË FAJTOR

Sepse:

Me datë 21.09.2022, rreth orës 13:15, në rr." D..", në F. K., gjatë një kontrole rutine nga ana e policisë të njëjtit kanë ndaluar veturën e tipit " O. A. ", me targa të regjistrimit 01-...-.. të cilën e ngiste i pandehuri Ç. G. , me që rast tek i pandehuri janë gjetur tri qese të vogël me substancë narkotike të llojit marihuanë, që pas egzaminimit të mostrave të marra nga substancat narkotike të larëtcekura është konstatuar se qeset e dyshuara përmbajnë narkotik të llojit Kanabis (marihuanë) që përmban Tetrahidrokanabinol (THC), pesha neto e përgjithshme 2.04+- 0.0001 gram,të cilat i pandehuri i ka poseduar pa autorizim.

- Me çka ka kryer veprën penale *Posedimi i paautorizuar i narkotikëve, substancave psikotrope ose analoge* nga neni 269 par.2, i Kodit Penal të Republikës së Kosovës (KPRK).

Andaj, gjykata në bazë të nenit të lartcekur dhe neneve 4, 7, 8, 9, 10, 17, 21, 38, 69, 70, 71, 81 dhe 82 të KPRK-së neneve 240, 241, 242 par. 1 dhe 6, 358, 359, 360, 361 dhe 364, 498, 499 të KPPRK-së, të pandehurit i shqipton:

VËREJTJE GJYQËSORE

Te pandehurit i bëhet me dije se ka kryer veprë penale të dëmshme dhe nëse serish kryen ndonjë veprë të tillë, gjykata do të shqiptoi sanksionin penal.

Obligohet i pandehuri që në emër të shpenzimeve të procedurës gjyqësore të paguaj shumën prej 20 (njëzet) Euro në emër të paushallit gjyqësor, si dhe shumën prej 20 (njëzet) Euro në emër të kompensimit të viktimave të krimit, të gjitha këto në afat prej 30 ditësh nga dita e plotfuqishmërisë së këtij aktgjykimi.

Konfiskohet substanca narkotike e llojit Kanabis (Marihuanë), që përmban Tetrahydrokanabinol (THC), me peshë neto të përgjithshme 2.04+- 0.0001 gram.dhe urdhërohet asgjësimi i saj, nga Policia e Kosovës në bashkëpunim me Prokurorinë.

A r s y e t i m

Prokuroria Themelore në Prishtinë - Departamenti i Përgjithshëm, ka paraqitur Aktakuzë PP.II.nr.1176/23 të datë 01.03.2023, ndaj të akuzuarve V. R. dhe Ç. B. për shkak të dyshimit të bazuar mire se secili veç e veç kanë kryer veprën penale Posedim i paautorizuar i narkotikëve, substancave psikotrope ose analoge nga neni 269 par 2 të Kodit Penal të Republikës së Kosovës (KPRK-së, 06/L-074).

Gjykata pas dëgjimit të palëve në procedurë, ndaj të pandehurit V. R. ka veçuar procedurën penale pasi që i njëjti nuk është arritur që të sigurohet përkundër disa tentimeve për të siguruar prezencën e tij në gjykatë andaj me qëllim të ekonomizimit të procedurës e në harmoni me nenin 35 par 1 dhe 2 të KPRK-së tani e tutje në këtë çështje penale do zbatohen procedura të ndara ndaj të pandehurve duke marr për bazë edhe faktin se vepra penale është kryer nga secili i pandehur veç e veç.

Gjykata, në çështje penale ndaj të pandehuri Ç. B. ka mbajtur seancën e shqyrtimit fillestar me datë 26.03.2024, në prani të Prokurorit të Shtetit, Nazmi Krasniqi dhe të akuzuarit Ç. B., ku i akuzuari u njoftuan me të drejtat e tij, me aktakuzën dhe provat kundër tij.

Seanca ka vazhduar me leximin e aktakuzës nga prokurori i shtetit ku pas leximit të saj i pandehuri u deklarua se e pranojnë fajësinë për veprën penale për të cilat akuzohet sipas aktakuzës.

Pas deklarimit të akuzuarit, mendimit të prokurorit se nuk e kundërshton pranimin e fajësisë, pasi që një pranim i tillë bëhet në mënyrë vullnetare dhe se është i vetëdijshëm për pasojat e pranimin të fajësisë si dhe ky pranim i fajësisë është në përputhje të plotë me provat dhe gjendjen faktike si në aktakuzë. Gjykata konstatoj se i akuzuari e pranon fajësinë në mënyrë vullnetare dhe pa asnjë presion, i akuzuari është e vetëdijshëm për pasojat e pranimin të fajësisë për të cilat është njoftuar nga Gjykata, si dhe të gjitha kërkesat nga neni 242 par. 2 të KPRK-së janë përmbushur. Ashtu që gjykata aprovon deklarimin për pranimin e fajësisë nga ana e të akuzuarit.

Duke pas parasysh se gjykata ka aprovuar pranimin e fajësisë nga ana e të akuzuarit dhe ka vërtetuar se nuk ekziston asnjë rrethanë nga neni 357 par.1 pika 1.1, 1.2 dhe 1.3 të KPRK-së, si dhe faktin se janë plotësuar kushte nga neni 242 par. 6 lidhur me par. 2 të KPRK-së, atëherë në këtë çështje penale nuk është zbatuar procedura e provave, por gjykata pas deklarimit të

akuzuarit se e pranon fajësinë në kuptim të nenit 242 par. 6 të KPPRK-së ka vazhduar me shqiptimin e dënimit.

Me faktet e ofruara ne shkresat e lëndës, e po ashtu me pranimin e fajësisë nga ana e të pandehurit është vërtetuar gjendja faktike si në dispozitiv të këtij aktgjykimi. Nga gjendja e vërtetuar faktike si është përshkruar në dispozitiv të këtij aktgjykimit, rrjedh se në veprimet e të pandehurit Ç. B. qëndrojnë të gjitha elementet e veprës penale Posedim i paautorizuar i narkotikëve, substancave psikotrope ose analoge nga neni 269 par 2.

Sa i përket fajësisë gjykata ka gjetur se i akuzuari e ka kryer veprën me dashje, ndërsa gjatë procedurës penale nuk janë paraqitur rrethana të cilat do ta zvogëlojnë apo përjashtojnë përgjegjësin penale të akuzuarit, kështu që i njëjti është penalisht përgjegjës.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese ne kuptim të nenit 70 të KPRK-se. Kështu si rrethana lehtësuese për të akuzuarin, gjykata ka vlerësuar faktin se i njëjti më parë kishte sjellje korrekte dhe nuk kishte rënë asnjëherë ne konflikt me ligjin. Gjithashtu i akuzuari ka treguar sjellje korrekte gjatë shqyrtimit gjyqësor duke pranuar fajësinë, duke u ndier i përgjegjshëm për veprimet e tij dhe duke shpreh keqardhje për veprën që e ka kryer, i njëjti po ashtu më parë nuk ka qenë i dënuar. Të gjitha këto rrethana kjo gjykatë i ka pranuar si rrethana lehtësuese ne dobi të akuzuarit, ndërsa rrethana rënduese Gjukata nuk gjeti

Andaj, duke vlerësuar këto rrethana, Gjukata ne kuptim të nenit 82 të KPRK-se të akuzuarin e gjykoi si ne dispozitiv të këtij aktgjykimit, me të cilin do të arrihet edhe qëllimi i dënimit.

Gjukata ka ardhur ne përfundim se vërejtja shqiptuar të akuzuarit është ne përputhje me shkallen e përgjegjësisë penale të tij dhe me intensitetin e rrezikimit të vlerave të mbrojtura të shoqërisë. Gjukata gjithashtu është e bindur se vendimi mbi dënim do të shërbej për arritjen e qëllimit të dënimit ne pengimin e të pandehurit ne kryerjen e veprave penale ne të ardhmen veçanërisht llojin e njëjte të veprës penale, por ai do të ndikoj edhe si preventive e përgjithshme për personat tjerë që të përmbahen nga kryerja e veprave penale ne përputhje me nenin 38 të KPPRK-se.

Duke u bazuar ne nenin 449 par. 2 pika 2.6 dhe 452 par.1 të KPPRK-se si dhe në bazë të nenit 36 par.3 nën par. 3.1 të Ligjit për kompensimin e viktimave të krimit nr.08/L-109, Gjukata ka vendosur për shpenzimet e procedurës penale në shumën e përgjithshme prej 40 Euro.

Nga arsyet e cekura më lartë dhe me zbatimin e nenit 364, 498, 499 të KPPK-së është vendosur si në dispozitiv të këtij aktgjykimi.

GJYKATA THEMELORE NË PRISHTINË-DEGA FUSHË KOSOVË,
DEPARTAMENTI I PËRGJITHSHËM PENAL
P.nr.989/23 datë 25.04.2024

Gjyqtarja e vetme Gjykuese

Laura Hoti Statovci

KËSHILLA JURIDIKE: Kundër këtij aktgjykimi palët kanë te drejtë të parashtrojnë ankesë në afat prej 30 ditësh, nga dita e pranimit të njëjtit. Ankesa i dërgohet Gjykatës së Apelit në Prishtinë përmes kësaj Gjykate.